

Chuailo

Forthnightly Newsletter



Vol. No. X Issue No. 3

KOLKATA MIZO STUDENTS

07th July, 2013 (Sunday)

KMS EXECUTIVE COMMITTEE VAWI 2-NA NEIH A NI

Dt.02.07.13 khan 2013-2014 chhunga KMS Executive committee vawi hnihna chu Ballygunge, Mizoram House-ah neih a ni. Committee-in a rel angin dt.13.07.13 ah hian zirlai admission zawng mek leh tithar zawng zawngte tlai dar li ah kohkhawm tur a ni a, dt.09.08.13 hian fresher social neih a ni bawk ang.

Kumtina kan lo tih thin angin zirlai admission zawng mek leh admission titharte kohkhawmna hun chu dt.13.07.13 hian neih tur a ni a, he hunah hian admission zawn kawnga harsatna neite leh admission hmu tawhte tan thil pawimawh inhrilhriatna hun hman a ni ang; Zirlai lo kalthar zawng zawngte'n ngaih pawimawh vek tur a ni.

Dt.09.08.13 hian fresher social neih tur a ni a, tlai dar thumah tan tur a ni ang. Programme hlimawm tak hmanho tura ruahman a ni a, host turin Lalmuanpuia Chhange leh Jenifer Vanlallawmawmi te an ni ang. Miss leh Mister fresher te thlan a ni ang a, judge turte chu:- Dr.Lalawmpuia Hmar, Lalmalsawma, NI.Rintei IRS leh Pu Lala Songate te an ni

Committee chuan fresher social hman hunah hian a hun taka kal vek turin min ngen a, a tan hun diktak dar thuma thleng hmante tan ruai coupon a free in a lak theih ang.

Fresher Social hman ni hian lucky ticket vawr tur a ni bawk a, lucky ticket zuartute pawhin dt.04.08.13 hmian thehluh vek tawh tur a ni.

Kan hmalamah tihtur hmachhawpengemawzat kan la nei zel dawn a, he'ng kan tihtur hmabak awm zawng zawngah member tinte'n theihtawp chhuah a, KMS leh Mizo tan kan theihna leh kan thhiamna te thahnemngai taka hmang zel turin Committee chuan min ngen a ni.

CMCS THALAI

Fellowship programme
Hruaitu: Biakthanzami
Tantu: Lalnunsiami
Bible chang sawi rual:
K.Zothantluangi
Programme: Hla duhzawng thlan
Thlangtu turte:-
Pu Benjamin-a
Pu Zuiliana
Pu H.Lalzirliana Sailo
Pi Lalneihsang

LUCKYTICKET

KMS-in lucky ticket kan siam chu tlemleitura la awma, Executive Committee member-te hnenah lei theih a ni. A vawr hun tur hi freshers' day- 09-08-13 ah a ni ang.

CMWA

Nimin, dt.06-07-13 chhun dar 12:00 khan CMWA Executive Committee, Pu H.Lala Songate te in Customs Qtrs. Salt lake ah nei a ni a, member an kal tha hle.

He hunah hian thil pawimawh hrang hrang rel ho a ni a, chu'ng zingah chuan Mizo zirtirtu thar lak chungchang te telin Mizo zirtirtu Tv.Lalrotlinga chu Mizoramah a awm tak avangin Zirtirtu thar atan NI.Margaret-i lak a ni.

He'ng bakah hian CMWA kal zel dan tur leh hmalak dan tur hrang hrangte rel ho a ni a, chaw chhun tuihna tak kilho a ni bawk.

PRESIDENT THUCHAH

Kum 60 chuang kaltaa din KMS chu vawiin thlengin a la kalchho ve zel a, a kal chhoh zelna tura mawhphurtu chu tuna Kolkataa zirlaite hi kan ni. Kolkata-ah lehkhia i zir a nih chuan he pawlah hian member ni ringawt lo a, a tela lo tel turin kan insawm a ni. Tu ta bik mah ni lo, a kal fuh leh kal sualah tu mawh bik mah ni lo, he pawl KMS hi member tinte'n theihtawp pawl zahawm, pawl tum nei tha a nih theihna turin kan ngaihtuahna, kan hun leh tha te i seng thar leh ang u.

Kolkata, mi ramah hian engpawh kan tiin kan ngaihtuah thei e. Party naah kan kal thei, zanah pawh duh chen chen mengin thiante nen kan awm thei. Kan rama phal loh chite pawh hetah chuan phal a niin duh chuan kan ti thiange ngei mai; A pawimawh ber erawhchu kan thil tih hian hnam hmel a ti tha nge a ti mualpho?

Helaia kan awmchhan hi kan hriatchian a ngai khawp mai, keini KMS member-te chu lehkhia zir tura awm kan nih avangin kan zirlai theuh hi theihtawpin i bei ang u. Kan zirlaiah hlawhtlinna chang vek turin duhsakna ka hlan a che u. Ka lawm e.

**-Alex Rosangluaia
President, KMS**

**Mitvarin kan hmuh theih loh
henkhat chu mitdelte hian fiah
takin an hmu thei.**

CHUAILO

Estd. May, 2004

Editor : ahooma
 Joint Editors : VT.Lawmsanga
 : Lalruatkima
 : Vanlalpeki Ralte
 Patron : Alex Rosangluaia



Enkawltu Kamliam

Kan Biakin Sound hi

Hun rei tak atang tawha inkhawm apianga ka vei ruk, ka sawichhuah ngam si loh chu ka up theih tawh ngang loh avangin ka han thai kawi ve e. Kan ARC Pu Talo Rosanga tawngkam hawhin “**A hum, a vai leh lungte nen ka rawn chhawpchuak a, in lo thap chawp mai dawn nia**” tiin ka ngen hmasa duh a che u. Kan CMCS hruiatute paw’n min hrethiam a ni ang chu.

Kolkata khawpui hmun hrang hrang atangin Pathian fak leh chawimawi turin Biak In kan rawn pan khawm a, chumai ni lovin vai ngalsangho karah mahni hnampute nen inhmukhawmna huntha a nihna vang hrim hrim pawh hian a lo va hlu hle reng a ni.

Kartluana Mizo tawng hre ngailo tan pawh mahni tawng ngeia zaiho a, Pathian thu ngaihtlak chu thil tha a nih mai bakah hlimawm tak a ni a. Kan inkhawm chhan ber Pathian thuchah sawi turin Speaker a lo dingchhuak a, mipuiten tuihal leh dangcharin kan thlir thup a. Engtikah nge nunna thuchah min fah ang a, kan thlarau chau tak a chawm ang tiin mit leh beng mai ni lo, ka leh hnar chenin kan lo inpuahchah a. Mahse, ngatinge, ngun tak leh uluk taka kan ngaihtlak chung pawhin engmah kan hre tha thei tlat lo mai. Thutna alai atanga hnunglam zawnga thu tan chuan ngaihtuahna zawng zawng senga ngaihtlak pawhin 75 or 80% vel bak kan hre thei tlat lo mai. Sum tam tak senga biakbuk kan pan chu a hlawhchham tep chu a ni ta si. Tuihal leh riltam tak bawkin kir leh chang kan nei fo mai.

Kan thutna hnunglam alai takah sawn ‘Sound Box’ pakhat tal min dahsak thei chu nise, inkhawm zawng zawngin Pathian thuchah tha takin kan ngaihtla thei ang a, inkhawm pawh a phurhawm zawk ngei ka ring ve tlat a ni.

Pathian kan rinna kawngah erawh chak takin hmlam pan zel tur kan ni tih erawh ka chiang hle thung- **VT**

Mizoram lam chanchin....

MPSC-IN RESULT TICHHUAK

MPSC chuan 31 May, 2013 a Mizoram Civil Service(Combine Competitive) Preliminary exam result chu dt.03.07.13 khan a tihchhuak. Post ruak 22 hnawh khat turin Prelim exam hi mi 2238 in an bei a, mi 222 chu main exam bei turin an tling a ni.

VC PISA KAITUR DAN ZIRLAI TE’N THA TILO.

MZU hnalakah thil felhlel a awm nia hriat avanga siam tha tura ngiatna atana MZP in Vice Chancellor Pisa kai tur dan an tum chu Mizoram University Student Union chuan University tikhaihlak zawnga hmalakna chu an remti lo tih an sawi.

Dt.05.07.13 khan MZUSU chuan thuchhuah siam in Mizoram University ah hian PG (M.A/M.Com /MBA/MSW/M.Lib.Sc) leh UG (B.Tech) zirna department 30 a awm mek a ni. Heng department hrang hrang ah te hian July thla chung hian final exam/semester exam neih mek a ni a. Zirlai 1500 chuang ten exam hi an bei mek a , exam hi engemaw harsatna avanga an pe theilo a nih chuan rim taka an hnathawh leh inpuahchahna a thlawn dawn a ni, an ti.

Hemi chungchangah hian MZP Gen.Hqrs. General Secretary chuan MZP in zirlaite harsatna thlen a tum lo a, thil diklo tih avanga harsatna awm mek chinfel a tum zawk a. June ni 26 khan MZU LDC hnalak diklo chungchang a MZP hmalak dan leh hmalak zel dan tur chungchang ah MZUSU President chu biak a ni a. Exam tur an nih avangin tha an thawh ve theih loh thu leh hnalak diklo chungchanga MZP hmalak tum dan chu an thlawp tlat thu (full support) a sawi a. Hemi thu bawk hi June 27, 2013 khan MZP President hnenah a sawi leh bawk, tiin he an thil tum hi an kaltlangpui dawn tih an sawi.

TANPUINA PE

May ni 11, 2013 a Laipuitlang leimin vanga tuarte tanpuina tur Central YMA in a dawn tlingkhawm Rs. 97,43, 022/- chu nimin khan CYMA office, Aizawl Tuikhuatlangah semna inkhawm CYMA in a buatsaih a, Chief Minister Lal Thanhawla chuan a hmanpui.

CHHUANAWM

V. Lalchandama S/o Zosangzuala, Chanmari, Aizawl chuan IIT-Kharagpur atangin 5-year Integrated M.Sc in Industrial Chemistry a zirchhuak a, Mizo zinga a hmasa ber ni a hriat a ni.

article

AMAH

-Laltlanzova Darnawn

A ni chiah ka hre ta lo bazar tura ka kal tum a ni tih erawh ka theihngilh tawh lo vang. Dawrah thil dang dang ka en kual lai chuan "Amah" chu ka hmu a, a zun chuan min phuar bet a, a zunah kei vala hi ka uai nghal a ni ber. A sakruangte chuan min zem â hi a ni ber a, ka vei tlut tlut mai a. Ka ta ni turin ka duh hlih hlih a mahse kei aia thu zawk amah neitu an awm tlat si. Nei tu nei ni mahse ka theihtawp ka chhuah chuan ka ta ah ka siam theih lohna chhan tur ka hre bik lo. Mi duhlai ngei neih sak hi a hlu a lawm. Ka mitthla ah a cham reng a, zan ka mut chang te hian "Amah" nen chuan lungruual takin tawnmang ramah kan leng dun zar zar thin. Bazar hi a nuam tih ber a ni te pawh a ni mahna bazara ka chhuah apiangin ka hmu ziah thin a. Zah pawh dawn lo in ka lo thlir leh vung vung thin.

Thla tam a liam, exam ka neih avangin a hmel hmu hun leh hmuh ni ka nei nga meuh lo mahse ka exam zawh ni chuan "Amah" hmuh tum chuan bazar lam ka pan leh a. A va han nuam em, ka duh em em chu ka hmu leh ta. A inchei dan kha a mawi in mit hi a la asin. A var leh a dum in a in thuan a, ni danga ka hmuh thin dan ai in ka hmu tha daih leh nghal. Ka ta a nih theih hun tur mitthla chung chuan in lam chu ka pan leh hnak hnak a. Ka duh em avang leh ka ta nise ka tih em avang chuan ka chungte bulah pawh zep nei lo in ka sawi vek a. "Amah" ka neih theihna tur a nih phawt chuan engpawh tih ka huam thu in ka tuihni baw k a. Ka pa chuan "Amah" a zuna ka uai em em na chu alo hre ngai hlauh mai a, ka neih theihnan a theihtawp min chhuah pui tur thu min hrilh lai a ka lawm zia kha ka sawi chhuak thiam lo, ka lawm hi a ni tawp mai.

Ka birthday a ni a, thiante nen hlim taka hun kan

hman lai chuan ka pa in "Amah" ka duh em em chu arawn hrui a. Ka hmuh rual rual chuan an bulah ka tlan phei nghal a. Ka pa in "Amah" nen a min in hmelhriat tir lai a ka zak hmel khan a nuih a ti za mai thei a ni. In hmachhawn a kan han din meuh chuan a lo laih theih khawp mai mahse ka lai rei lo, mipa ka ni a lawm, a hmaiah chuan uluk takin ka en vang vang a, a zak miah lo ngam takin min lo melh let ve a. Zah pawh dawn loin a hmaiah kan muah zeuh a nih kha kapa pawh a nui tawp. Tichuan ka lo duh em em leh a zuna thlan tla phunga ka lo uaina "Amah" ngei mai chu ka ta alo ni ta. Ka hlim a "Amah" pawh a hlim, kan in kal san ngai lo a ni ber. Tu dang ngai lo ten tun thleng in a sur a sa, a lum a vawt sawi lo in kan la in kawp zel chu a nih hi.

He thu a ka sawi "Amah" hi ka phone chuan em em Nokia 1100 a ni e. Ho i ti awm? I chhiar chhuah avangin ka lawm e.

FACEBOOK TITI

IN LUAH TUR TE TAN : In luah tur kan zawn dawn hian mahni mai a zawn a harsat a vangin broker kan hmang thin a, broker hian thla 2/1 luah man an inchhiar a, heih ka hriat sual lo chuan India law ah ziah lan a nih ka ring lo. Chuvang chuan in i luah duh in broker thu in kal lo la, anni chuan an lo hrilh hmasa ngei che ang a, mahse an hrilh hma che khan hmel hriat emaw i neih chuan, tiang hian ti ve ang che- Broker hnenah In i duh thu i sawi ang a, a hlauh tur pawh hrilh lawk la, cheng 6000 man i duh chuan broker man kha 3000-3500 ka pe ang che ti lawk vek la, an duh lo a nih chuan mi dang duh an awm tih hriat tur. Deposit te, rent te pek fel hnu ah broker man pe la, an lung awilo a nih chuan in nei tute hrilh la, deposit leh rent min pe let la, in chu kan la lo mai ang ti la, an hlauthawng ve ang. An chhiar zat zat pek pawp hian min ngam a, kan inti thangtlawm ve a, a hnam ang paw'n pawisa an ngah, dil teuh tur tih rilru an pu a, in luah man kan ti to mai mai baw k tih hriat a tha. (Facebook, Kolkata Mizo Students group ami post kan lakchhuah a ni-ed)

Lallawmzuala Hauhnar

ADMISSION ZAWNG TURTE TAN HE'NG MITE HI BIAKRAWN THEIH AN NI:-

St.Xaviers:

Lahlupuii - 8420521726

Lalmuanawma - 8697097169

K. Vanlalruati - 8257039018

Scottish Church College:

Benjamin Lalenkawla-
9051345569

Thanpuii - 8420682458

Ace Business Academy:

Lalmalsawma - 9007889346

Shri Shikshayatan college

Venus- 9163846551

Presidency College:

Siam Siami- 9748112352

Asutosh college:

Abednego - 9163292731

Thomas- 8017746441

Bhawanipur college:

Vanlalpeki Ralte Temami-
9862540494

J.C.C.:

Lalremruata—7890060478

zualtea— 8420928219

South city college:

Gerald LaLhriatpua -
9831726237

Loretto college:

Lalresiami - 7278727713

Lalbiakzuali Kawlni Tetei -

9831433269

ROONEY LEH GIGGS

Manchester United manager thar David Moyes chuan a vawikhatna atan chanchinthar lakhawmtute Man Utd. manager a nihna angin a hmachhawn ta a, Wayne Rooney-a chu Man Utd in an hralh dawn loh thu a sawi.

Tunlai football transfer titi a hmun luah tam ber Wayne Rooney-a chungchang hi David Moyes hian a sawi Chiang a, Wayne Rooney hi hralh an tum loh thu leh Man Utd ah ala cham zel tur thu a sawi mai bakah Man Utd player lo nih tawh zawng zawng te zinga goal thun hnem ber ni thei tur khawp a chher hriam a tum thu a sawi.

Hetih lai hian Mancheste Utd. chuan an player tangkai Ryan Giggs chu a rei thei ang ber chhawrzui tumin player-coach nihna an zawrh a, heih Giggs chuan pawmin season thar atang chuan inkhel reng chungin Moyes-a thachhangdawltu a ni tawh dawn a ni.

WIMBLEDON

Kumin Wimbledon hmeichhe final-ah nimin dt.06.07.13 khan Sabine Lisicki leh Marion Bartoli te an intum a, Bartoli chu 6-1, 6-4 a chakin a champion.

Vawiin hian mipa final khelh a ni ang a, mipa final ah hian Djokovic leh Andy Murray te an intum dawn a ni. A.Murray hian final lut turin J.Janowics chu 6-7(2-7), 6-4, 6-4, 6-3 in a hneh a, semi final lehlamah Djokovic hian J.Del Porto chu 7-5, 4-6, 7-6(7-2), 6-7(6-8), 6-3 in a hneh bawh a ni.

NBA

Dwight Howard, All-Star centre chuan LALakers chhuahsanin Houston Rockets a zawm tur thu a puang Chiang ta.

Superman hian sawmna tamtak hnawlin Houston hi a zawm dawn ta a ni. Lakers lam pawh hian a hlawh punsaka chhawzui zel an duh niin an sawi bawh, mahse hetih chung hian chhuahsan hi a thlang fel ta a ni.

BOXING

Asian Boxing Championship-ah he'ng Indian Boxer pangate hian Quarter final an lut;- Shiva Thapa(56 kgs), Manoj Kumar(64 kgs)- ani hi Commonwealth Games a gold medalist kha a ni. Commonwealth Bronze Medalist Mandeep Jangra(69 kg), National Champion Sukhdeep Singh(75 kg) leh Olympics a India aiawmtu L.Devendro Singh(49 kg)

EX-President thu leh hla thenkhat

1. Motor ka tinung chiah.., chutia in buai loh chuan ka lo kal lo mai ang aw-

2. My name is Mr.Saaamuel

3. Aw hei, gear ka thlak chiah
(a thawhbelh zel theih)

-U Samu-a, Ex-Pre.

Hmangaih ber te nen mual khata awm chu Vanram tenaua awm ang vel ka ni-

-Lawma asst secy

Pay day hi chuan thiante'n min be tha thei khawp mai....

-Sanga leader (office hnathawk a)

Kumin Miss fresher chu ka chanpual tur.

-Chhuantea, synod house

Ka peih tawh lo!! I'd rather be single instead of being in a false relationship :P

-Xualtea Boytlung Boytlung

Lawm ticket-a nupui nei chu 'Lawma' dang ho min nghawng khawp mai; Hmeichhe CK pui dawnin, 'i nupui ka hrilh dawn' an lo ti zel.

-Lawma te ho

Chicks bulah lo hi chuan ka awm thei thlawt lo, inah pawh ka awm hman lo, ka chhungte hi an la dam ang em le?

-Lalpaa Boytlung



Ka lehkhahu chhuah thar tur hming chu 'Confession of a Dangerous mind'

-Zutea